


Նախագահ Հենրի Բ. Այրինգ

Առաջին Նախագահության
առաջին խորհրդակցան



Զինված արդարությանը

Երկրի վրա Աստծո մարգարեն՝ Նախագահ Թոմաս Ս. Մոնսոնը, հայտարարել է. «Այսօր մենք բանակ ենք ստեղծել մեղքի, մոլության և չարի առավել մեծ բանակի առաջ, որ երբևէ կարող էր լինել մեր աչքի առաջ»:¹

Արդյո՞ք դուք կգարմանաք, եթե իմանաք, որ Նախագահ Մոնսոնն այս բառերն ասել է 50 տարի առաջ: Եթե մենք կանգնած էինք չարիքի աննախադեպ մեծ բանակի առաջ այն ժամանակ, ապա որքան ավելի մեծ չարիք է մեզ սպառնում այսօր: Բավարար պատճառներ ունենալով, Տերը հայտարարել է մեր սերնդի մասին. «Միա, թշնամին միավորվել է» (Վևու 38.12):

Պատերազմը, որին «մենք բոլորս զինվորագրված ենք»,² սկսվել է նախքան այս երկրի վրա մեր ծնվելը: Այն սկսվել էր նույնիսկ նախքան աշխարհի ստեղծումը: Այն սկսվել է շատ հազարամյակներ առաջ նախաերկրային թագավորությունում, որտեղ սատանան ապստամբեց և «փնտրեց կործանել մարդու կամքի ազատությունը» (Մովսես 4.3):

Սատանան պարտություն կրեց այդ պատերազմում և «վայր զցուեցաւ երկրի վերայ» (Հայտնություն 12.9), որտեղ նա այսօր շարունակում է իր պատերազմը: Այստեղ երկրի վրա «նա պատերազմում է Աստծո սրբերի հետ և շրջապատում է նրանց շուրջանակի» (Վևու 76.29) ստերով, խաբեությամբ և գայթակղություններով:

Նա պատերազմում է մարգարեների և առաքյալների դեմ: Նա պատերազմում է մաքրաբարոյության օրենքի և սուրբ ամուսնության դեմ: Նա պատերազմում է ընտանիքի և տաճարի դեմ: Նա պատերազմում է բոլոր բարի, սուրբ և սրբազան բաների դեմ:

Ինչպե՞ս մենք պետք է պայքարենք նման թշնամու դեմ: Ինչպե՞ս մենք պետք է պայքարենք չարի դեմ, որը կարծես ողողել է մեր աշխարհը: Ո՞րն է մեր սպառազինությունը: Ովքե՞ր են մեր դաշնակիցները:

Գառի զորությունը

Մարգարե Զոզեֆ Մմիթն ուսուցանել է, որ սատանան մեզ վրա զորություն ունի այն չափով, որքանով մենք ենք թույլ տալիս նրան:³

Տեսնելով մեր օրերը՝ Նեփին տեսավ «Աստծո Գառի զորությունը, որ այն իջավ Գառի եկեղեցու սրբերի վրա և Տիրոջ ուխտյալ ժողովրդի վրա, որոնք ցրված էին ողջ երկրի երեսին. և նրանք զինված էին արդարությամբ և Աստծո զորության մեծ փառքով» (1 Նեփի 14.14, շեղագրերն ավելացված են):

Ինչպե՞ս ենք մենք զինվում արդարությամբ և զորությամբ: Մենք սուրբ ենք պահում կիրակին և պատվում ենք քահանայությունը: Մենք կապում և պահում ենք սուրբ ուխտեր, աշխատում ենք մեր ընտանեկան պատմության վրա և այցելում ենք տաճար: Մենք շարունակ փորձում ենք ապաշխարել և աղերսել Տիրոջը «գործի դնել Քրիստոսի քավիչ արյունը, որպեսզի մենք

կարողանանք ներում ստանալ մեր մեղքերից» (Մոսիա 4.2): Մենք աղոթում ենք, ծառայում, վկայում և հավատ գործադրում առ Հիսուս Քրիստոսը:

Մենք նաև զինվում ենք արդարությամբ և գործությամբ, երբ «շարունակ [մեր] մտքում գանձում ենք կյանքի խոսքերը» (Վևու 84.85): Մենք գանձում ենք այդ խոսքերը, ընկղմվելով սուրբ գրքերի և Տիրոջ ընտրյալ ծառաների խոսքերի մեջ, ովքեր կկիսվեն Նրա կամքով, մտքով և խոսքով (տես Վևու 68.4) հաջորդ ամսվա գերագույն համաժողովի ընթացքում:

Չարի դեմ պայքարում մենք պետք է միշտ հիշենք, որ վարագույրի երկու կողմերից էլ մեզ աջակցում են: Մեր դաշնակիցներն են Աստված՝ Հավերժական Հայրը, Տեր Հիսուս Քրիստոսը և Մուրբ Հոգին:

Մեր դաշնակիցների շարքում են նաև երկնքի անտեսանելի գործերը: «Մի վախենար,- վախեցած երիտասարդին ասաց Եղիսեն, երբ նրանք կանգնած էին չարի բանակի առջև,- որովհետև մեզ հետ եղողները շատ են քան թե նորանց հետ եղողները» (տես Դ Թագավորաց 6.15–16):

Մենք չպետք է վախենանք: Աստված սիրում է Իր Մրբերին: Նա երբեք մեզ չի լքի:

Ես գիտեմ, որ Աստված, ի պատասխան աղոթքի, կատարեց իմ աղաչանքը՝ ազատելով ինձ չարից: Ես վկայում եմ, որ Հայր Աստծո, աշխարհի Փրկիչի և Մուրբ Հոգու օգնությամբ մենք կարող ենք վստահ լինել, որ մեզ կտրվի ավելի քան բավարար գործություն՝ դիմադրելու ամեն չար ուժի, որին կհանդիպենք:

Թող մենք միշտ զինված լինենք արդարությամբ, որպեսզի կարողանանք համոզված լինել, որ ի վերջո հասնելու ենք հաղթանակի:

ՀՂՈՒՄԵՐ

1. Thomas S. Monson, “Correlation Brings Blessings,” *Relief Society Magazine*, Apr. 1967, 247.
2. “We Are All Enlisted,” *Hymns*, no. 250.
3. Տես *Եկեղեցու Նախագահների ուսմունքները*. Չոզեֆ Մալթ (2007), 227:

ՈՒՍՈՒՑՈՒՄ ԱՅՍ ՈՒՂԵՐՉԻՑ

Նախագահ Այրիկզը հիշեցնում է մեզ, որ մենք պատերազմ ենք մղում սատանայի դեմ: Դուք կարող եք սկսել, երգելով «Բոլորս զինվորագրված ենք» օրհներգը (*Hymns*, no. 250) նրանց հետ, ում

ուսուցանում եք: Ապա կարող եք հրավիրել նրանց կիսվել, թե ինչպես են պաշտպանվել արդարության միջոցով և հնարամիտ ուղիներ գտել իրենց ընտանիքներին սատանայից պաշտպանելու համար, ինչպես օրինակ օգտակար հաղորդումներ ընտրելը, ընտանեկան խորհուրդ անցկացնելը կամ ամեն շաբաթ տանը ընտանեկան երեկոներ կազմակերպելը: Կարող եք հրավիրել նրանց աղոթքով խորհել, թե ինչպես կարող են ամրացնել իրենց ընտանիքները և խրախուսել նրանց պլանավորել, թե ինչպես իրականացնել իրենց գաղափարները:

ԵՐԻՏԱՍԱՐԴՆԵՐ

Ես արդեն որոշում էի կայացրել

Մեդիսոն Թոմսոն

Մի անգամ Երիտասարդ Կանանց դասարանում ես շատ արժեքավոր դաս սովորեցի սեռական մաքրության մասին, թեմա, որը երիտասարդներից շատերին ստիպեց ցնցվել իրենց տեղերում: Ես չեմ հիշում ամեն բան, որ սովորեցի այդ դասի ժամանակ, բայց ես հիշում եմ, թե ինչպես էր իմ ուսուցիչը խոսում իր անձնական չափանիշներից մեկի մասին՝ միշտ պահպանել սեռական մաքրությունը: Նրա խոսքերը մնացին իմ հիշողության մեջ, և այդ ժամանակ ես լուրջ որոշում կայացրեցի որդեգրել այն որպես իմ անձնական արժեքներից մեկը:

Մի օր, երբ ես տուն էի վերադառնում սպորտաշին միջոցառումից, ավտոբուսում մեկը մի խաղ սկսեց: Չանձրույթից այլ երեխաների հետ միասին խաղին միացա նաև ես: Երբ եկավ իմ հերթը, ես պետք է անեի մի բան, ինչը գիտեի, որ սխալ էր: Սա կարող էր դժվար որոշում լինել ինձ համար, սակայն ես մտաբերեցի Երիտասարդ Կանանց իմ ուսուցչի խոսքերը և ընտրությունը հեշտացավ: Ես արագ հրաժարվեցի: Ես արդեն գիտեի, թե ինչ պետք է անեի նման իրավիճակում:

Ես գիտեմ, որ եթե մենք գնանք եկեղեցի և կիրառենք այն ամենը, ինչ սովորում ենք այնտեղ, մենք կօրհնվենք ավելի մեծ հոգևոր ուժով ու պաշտպանված կլինենք աշխարհի գայթակղություններից: *Հեղինակն սպրում է Յոստայում (ՄՄՆ):*

Հազցեք ձեր սպառազինությունը

Այսօր աշխարհում շատ վատ բաներ կան: Ավերտարանը նման է վահանի, որը պաշտպանում է մեզ: Կարդացեք 10 կետերը, որ Նախագահ Այրինգը խրախուսում է մեզ անել՝ մեզ պաշտպանելու համար: Ապա նկարեք և գունավորեք ձեր իսկ վահանը:

1. Սուրբ պահեք Հանգստության օրը:
2. Պատվեք քահանայությունը:
3. Ուխտեր կապեք և պահեք դրանք:
4. Ընտանեկան պատմության աշխատանքներ կատարեք:
5. Քնացեք տաճար:
6. Ապաշխարեք:
7. Աղոթեք:
8. Ծառայեք ուրիշներին:
9. Կիսվեք ձեր վկայությամբ:
10. Կարդացեք սուրբ գրքերը:



Հավատ,
ընտանիք, սփոփանք

Հիսուս Քրիստոսի և Նրա Քավության հնարավորությունն տվող զորությունը

Աղոթքով ուսումնասիրեք այս կտորը և ոգեշնչում փնտրեք, թե ինչով կարող եք կիսվել: Միտիող Միության նպատակը հասկանալն ինչպե՞ս է պատրաստում Աստծո ղուստորերին հավերժական կյանքի օրհնությունների հասնար:

«Ամեն բան կարող եմ ինձ «Ազորացնող Քրիստոսով» (Փիլիպպեցիս 4.13): «Թեև բոլորս ունենք թուլություններ, մենք կարող ենք դրանք հաղթահարել», - ասել է Առաջին Նախագահության Երկրորդ Խորհրդական Նախագահ Դիտեր Ֆ. Ուլստրոֆը: «Իրոք, դա Աստծո շնորհով է, որ եթե մենք խոնարհեցնենք մեզ և հավատք ունենանք, թույլ կողմերը կդառնան ուժեղ»:¹

Վարդապետություն և Ուխտերում մեր Փրկիչն ասում է. «Ես կզնամ ձեր առջևից: Ես կլինեմ ձեր աջ կողմում և ձեր ձախ կողմում, և իմ Հոգին կլինի ձեր սրտերում, և իմ հրեշտակները՝ ձեր շուրջը, որ բարձրացնեն ձեզ» (Վևու 84.88):

«Նեփին օրինակ է մեկի, ով գիտեր, հասկանում էր և ապավինում էր Փրկիչի հնարավորություն տվող զորությանը», - ասել է Տասներկու Առաքյալների Քվորումից Երեց Դեյվիդ Ա. Բեդնարը: «Նեփիի եղբայրները կապեցին

նրան պարաններով և որոշեցին կործանել նրան: Խնդրում եմ, ուշադրություն դարձրեք Նեփիի աղոթքին. «Ով Տեր, համաձայն իմ հավատքի, որը քո հանդեպ է, ազատիր ինձ իմ եղբայրների ձեռքից. այո, *տուր ինձ այնքան ուժ, որ կարողանամ կտրել այս կապերը*, որոնցով ես կապված եմ» (1 Նեփի 7.17, շեշտադրումն ավելացված է):

... Նեփին չաղոթեց, որ իր պայմանները փոխվեին: Դրա փոխարեն նա աղոթեց ուժի համար, որ փոխեր իր պայմանները: Եվ ես կարծում եմ, որ նա այդպես աղոթեց հենց այն պատճառով, որ գիտեր, հասկանում էր և զգացել էր Քավության հնարավորություն տվող զորությունը:

Ես չեմ կարծում, որ պարանները, որոնցով կապված էր Նեփին, ուղղակի հրաշքով ընկան նրա ձեռքերից ու դաստակներից: Ես կարծում եմ, որ նա օրհնվեց հաստատակամությամբ և անձնական ուժով իր բնատուր

կարողությունից առավել, որ նա այնուհետև «Տիրոջ ուժով» (Մոսիա 9.17) աշխատեց և ոլորեց ու քաշքշեց պարանները, և, ի վերջո, բառիս բուն իմաստով, հնարավորություն ունեցավ քանդելու կապերը»:²

Լրացուցիչ սուրբ գրություններ և տեղեկություն

Եսայիա 41.10, Եթեր 12.27, reliefsociety.lds.org

ՀՂՈՒՄՆԵՐ

1. Դիտեր Ֆ. Ուլստրոֆ, «Շնորհի պարզևը», *Լիստուս*, մայիս 2015, 108:
2. David A. Bednar, "Strength beyond Our Own," *New Era*, Mar. 2015, 4.

Խորհեք այս մասին

Ինչպե՞ս կարող են Հիսուս Քրիստոսի հնարավորություն տվող զորությունը և Նրա քավող զոհաբերությունն օգնել մեզ, որ մեր թուլությունները դառնան ուժեղ կողմեր: